



**Loca Infesta,|| Hoc est:|| De Infestis,|| Ob Molestantes||  
Daemoniorvm Et Defvncto-||rvm Hominvm Spiritvs,  
Locis,|| Liber Vnvs.||**

**Thyraeus, Petrus**

**Coloniae Agrippinae, 1598**

**VD16 T 1247**

Cap. LXVIII. An & quomodo signum S. Crucis valeat ad Dæmones ijs locis  
vbi molesti sunt proscibendos?

---

[urn:nbn:de:hbz:466:1-61332](#)

erga Reliquias flagrant, maximum: hic præterea compelli exorcizantium authoritate. Ibi Reliquie veluti obiecta quædam Dæmones mouent, ut fugam incant: hic sunt quædam quasi instrumentales causæ, quibus Exorcistæ ( quibus diuinitus in spiritus hæc collata potestas / vtuntur.

## CAP. LXVIII.

*De Crucis aduersus Dæmones efficaci usu: Et quod  
hic nullam sapiat superstitionem.*

1.  Vemadmodum de Reliquiis communis est, tam Catholiconrum, quam Hæreticorum, sententia, quod ad profili gandos Dæmones valeant; sic communis consensus de *Cruce*. Ex Hæreticis inter alias ita sentit Brentius, teste Alano, Dialogorum lib. 4. cap. 3. Ex Catholicis omnes omnino: vt non sine causa in Prouerbiū abierit, *Dæmones fugere Crucem*.
2. Iisdem etiam rationibus utriusque inducti sunt; multitudine scilicet exemplorum, quæ omnis ætas suppeditat. Nos aliâs duplicitis generis protulimus, quorum quædam ostendunt *Crucem* ex hominibus Dæmones esse exactos, quædam aliis locis profligatos. Vide Disput. de Dæmoniacis.
3. Prioris generis sunt, quod Gregorius Lingonicus Episcopus ex Energumenis ad se adductis, signo crucis iusserrit Dæmonia discedere; vt loquitur Gregorius Turonensis in vita Patrum. quod eodem signo, eadem à muliere exegerit Albinus Andegauensis Episcopus, quemadmodum testatur Vincentius lib. 23. cap. 14; quod idem præstiterit Iosephus quidam nondum Christianus; vt habet Epiphanius Hæresi 30.
4. Pro posterioribus seruit Gregorius Neocæsariensis; quam sape contra Dæmones his armis depugnasse testatur Gregorius Nyfensus; in vita eius B. Antonius; qui hoc armorum genere omnibus Dæmonibus fuit terribilis. S. Margareta; quæ Cruce Dæmonem in forma Draconis sibi appropinquante profigauit, teste Metaphrase in eius vita. Julianus Apostata; qui dum se *Crucem* signat, Dæmones, quos euocarat, fugat; quemadmodum Oratione in eundem scribit Nazianzenus. His addimus, quod utrisque plus ad propositam disputationem facit, vt in Anastasio Imperatore refert Glycas, parte 4. Erat, inquit, his temporibus Rex Persarum Corades, qui cum in castello quodam gemmas magni pretij didicisset; ac quæ minus potiretur, ab incolis loci genijs, impediretur, omni genere præstigia-

P A R S T E R T I A.

*rum vsus est. Nam & Iudeos, & quosvis alios accersitos adhibebat: neque tamen illorum quisquam aliquid efficere potuit. Tandem Antistes eius loci, solo Crucis signo expulit. Hæc Glycas. Quocirca optimè Paulinus Nati*

*ali octauo s. Felicis.*

*Nos Crucis inuicta signum, & confessio munit.*

*Armatiq; Deo mentem, non querimus arma*

*Corporis: & quamquam membris videamur inermes,*

*Arma tamengerimus, quibus & sub pace serena*

*Contra Incorporeos animi decernimus Hostes.*

*Eodem quoq; modo de Dæmonum ingenio loquuntur Aduersarij, & Catholicci. Volunt illi Dæmones hic ne quiter agere, & fugia ad superstitionem honorem Crucis mortales inuitare. Asserunt hi ex Cruce odio & detestatione fugere. Nos quamuis de hoc alijs aliqua; hic tamen pro Catholicorum opinione pauca, ex iam aliatis exemplis argumenta addemus, tum nostra prosequemur.*

*Et principio quidem eos, qui exempla literis consignata posteritate tradiderunt, in illa sententia non fuisse, ut putarent Dæmones fugia ad Crucis cultum superstitionem allucere, certum est. Res gestas ita narrant, ut significant, & tortos esse Dæmones, & Crucem fugisse coactos.*

*Deinde, qui Cruce contra Dæmones sunt vni, id de ingenio Dæmonum nec suspiciati sunt, nec suspicari potuerunt. An putarunt hostem pelli rebus hosti gratissimis? aut ad Dæmones pellendos, animo non pellendi accesserunt? Omnino, quia prodigiosos effectus Crucis, priorum, & suorum temporum exemplis deprehenderunt; eandem ad Dæmones vi pellendos valere, credere & potuerunt, & debuerunt.*

*An in eadem cum Aduersariis sententia fuerunt, qui nos præcesserunt, & vel hæc ad Crucis signationem fieri viderunt, vel facta audierunt? Vix de vlo hoc legimus; de pluribus vero, quod ad Dæmones profligandos Crucem valere crediderint.*

*Quid quod omnum hæc fuerit sententia? omnes hanc Crucis virtutem agnouerint? Posset hoc aliunde doceri, sed unius Apostolæ Iuliani sufficerit exemplum. Ille ex vsu atque consuetudine, quæ apud Christianos vigebat receptissima; Cruce se aduersus Dæmones muniens, conseruatus est.*

*Hæc cum ita sint, cum pro se Catholicci habeant tot, & tam varia exempla: cum sequantur eorum, qui Cruce Dæmones profli-*

*Ff 2*

*10.*

profligârunt; eorum, qui profligatos viderunt & audierunt; eorum, qui hæc posteritati tradiderunt sententiā; cùm sequantur totam antiquitatem, damnari iustè poslunt? argui superstitionis? Idolatriæ? præsertim, quando diuinis literis edocti sunt, ut Maiores suos audiant & sequantur? Deut. 4.

11. Sed hæc ex hominum opinione argumenta desumpta sunt. Ita est. Nulla igitur sunt? Non ita est. Ex rebus ipsis de prompta hinc non desiderantur. Primum, tam variorum hominum opinio plurimum valet. Quod enim vniuersa tenet Ecclesia, & vt B. Augustinus loquitur (lib. 4. contra Donatistas, cap. 24.) omnibus retro seruatum est temporibus, non pro hominum tantum opinione bonum est minimeq; detestandum; sed reuera quoq; bonum est, & nullo modo damnandum.

12. Præterea, quando ad Crucem, à Iuliano factam, euanuit Dæmon, annon Crucis vim sensit? Aut rursus ad honorandam Crucem voluit inuitare perditum Apostolam; quem à Crucis honore semel auocauit? Voluit persuadere, vt Christianus fieret; quem antea ad deserenda Christianorum castra, cum spe maximi lucri, induxerat? quid potest singi ineptius, dici absurdius? Si vñquam fugam dissimulauerunt Dæmones, ad effectam Crucem: profecto, cùm se signo Crucis Apostata signauit, fugam dissimulare non debuerunt.

13. Iosephus, Iudæus adhuc, Crucis vim obseruavit, in Dæmonum electione; quando mox ad Crucem ab ipso productam obfessos relinquebant impostores; hacq; re commotus ille animum ad Christianam religionem adiecit: An forte, vt Christianus fieret Iosephus, ad laborarunt Dæmones?

14. Cùm Coades, Persarum Rex, cuius iam meminimus, Spe gemmarum consequendarum, omnis generis superstitiones, aduersus infestos Dæmones admisisset; qui sit, vt ad solam Crucem factam omnis Dæmonum vis abacta sit? An superstitiones non fuerunt, quibus frustra Dæmones tentarunt Gentiles, atque Iudæi? & sola fuit superstitionis Crux ab Antistite facta? Cui hoc, vel per somnium venit in mentem? Aut superstitioni non fuerunt Iudæi, atque Gentiles; aut omni superstitionis suspicione caret Antistes cum Cruce.

15. Si in sola Dæmonum fuga Crux vires suas demonstrasset; forstæta vis Crucis posset esse suspecta: iam verò tam sunt multa, tam sunt varia, tam sunt magna, per Crucem perpetrata; vt vel ex iis virtutem eius in Dæmonum electione omnino oporteat astruere.

16. Sed ex Cruce, Crucis vim contra Dæmones cognoscamus. Crux signum

signum est rerum Dæmonibus maximè exosarum. Quas igitur res exosas Spiritus Nequam habent. & detestantur; earum signis gaudent? afficiuntur? recreantur? Et rebus, & rerum signis cruciantur Dæmons.

Dubium non est, quin odio persequantur Nequam illa, quæ magno in honore habet Deus. Contrariorū enim sunt ingeniорū; contrariorum studiorum. Quanti verò Crucem facit Dominus? In summo illo & supremo die; in summo suo triumpho; quādō ven- turus est cum potestate magna & maiestate, Crucem vult esse præcipu- um, & illustrissimum insigne. Matth. 24. Num igitur non possunt detestari Crucem Diaboli?

Dubium non est, implacabili odio Dæmons detestari Deum 18.  
Opt. Max. Dubium nullum, quin quæ Dei honorem promouent, abominantur, quantum verò promouet Crux? Crux, in qua Chri- stianis gloriandum censet Apostolus? Galat. 6.

Omitto mortales ex Cruce occasionem sumere honorum mul- torum; quæ ipsi faciunt; & detestantur verò Dæmons: sumere occasionem multorum malorum, quæ ipsi fugiunt, & desiderant verò Dæmons an hoc ipso, quo ad Crucem fuga sua alliciunt Dæmons. suadent bona? dissuadent mala?

Denique, ipsam in se Crucem inspiciamus, quidnam in ea super- stitiosum esse possit, inuestigemus. Duo in ipsa sunt, motus qui- dam manu in aère factus, & exspectatio fugæ Dæmonum. Vtrum horum superstitionis? Prius illud, an posterius? Prius res natu- ralis est: alterum officium pietatis aut charitatis.

Foriè nec hoc, nec illud damnatur; sed quod fuga Dæmonum ex tali manus motu exspectetur. Cur hoc? an quia effectus Spirita- lis, & quasi diuinus, à re speratur corporea; quæ cum illa affinita- tem habet nullam? Verùm simile quid in sacramentorum vsu ob- seruamus, quæ tamen ad superstitionem reuocare extremæ esset dementiæ.

Dicitur forsitan Sacraenta diuinam habere institutionem. 23. Quid si eadem niti dicamus Crucem? quomodo quod asseretur, refutabitur? Si Scripturæ postulantur; postulabuntur eadem pro sacramentis; quæ cùm hic in quibusdam desiderentur; vel illo- rum authoritas eleuabitur, vel Crux non idcirco reiicitur, quod pro se diserta non habeat Scripturarum testimonia.

Sed nec necesse est omnia diuinam habeant institutionem, 23. quæ ad spirituales effectus producendos usurpatantur, & corporea sunt. Ab Apostolis Apostolicisque viris quedam probata & usur- pata esse

DE LOCIS INFESTIS

- 730
- pata esse potuerunt; quædam à primitua Ecclesia recepta; quæ vel  
hoc nomine non damnari, sed probari; non contemni, sed in ho-  
nore haberi debent. *Quid si ex horum genere sit ipsa Crux?*
24. Omnia vero rem ita se habere, sequentibus docemus; & eo  
breuius, quo magis ad finem properat oratio.
25. Primum hic pro nobis est antiquissimus Scriptor Tertullianus,  
qui, libro de Corona militis, Traditiones Apostolicas enumerans: *Ad  
omnem*, inquit, *progressum atque promotum: ad omnem editum & exi-  
sum: ad vestitum & calceatum: ad lauachra: ad mensas: ad lumina: ad cu-  
bicula: ad sedilia: quacunq; nos conuersatio exercet, fronte Crucis signa-  
lo terimus.*
26. Secundò, seruit Regula Beatissimi Augustini, qua libro 4. cor-  
tra Donatistas capite 24. id censet Apostolicam habere traditionem,  
& institutionem, quod in vniuersa Ecclesia, & omnibus retro temporis-  
bus seruatum est: quamvis ipsum etiam tale sit, ut ab Ecclesia potuerit insti-  
tuti. *Quid vero? Annon in vniuersa Christi Ecclesia omnibus retro  
temporibus fuit usus Crucis?*
27. Tertiò, valet hic Regula, qua usi sunt Irenæus, atque Tertulli-  
anus. ille libro 3. capite 3 hic libro de Præscriptionibus Hæreti-  
corum. Vbi docent ex Apostolica descendere Traditione, quod pro tali  
habetur in ijs Ecclesijs. vbi est integra & continuata successio ab Apostolis. An  
in nostris Ecclesiis illa non est? an pro Apostolica traditione a no-  
bis non habetur Crucis usus?
28. Addimus, pro his, quartum pro nostra causa argumentum,  
quod communi Ecclesiæ Doctorum consensu, usus Crucis pro A-  
postolica Traditione habeatur. An hic errare potest aut falle-  
re? Si potest, nonne necesse est totam Ecclesiam errare? ut quæ  
Doctores suos atq; Magistros, non possit non sequi?
29. Constitutum igitur sit Crucem ad Dæmones profligandos &  
proscribendos valere. Sed quæ Crux? & quomodo? Hoc definiamus, &  
capiti finem imponamus.
30. Primum vero, ex iis, quæ hactenus dicta sunt, haud obfus-  
cere cognoscitur, illam Crucem intelligimus, quam manu in aere forma-  
mus: illam, quam Transuentem vocavimus. Alia veruntamen est, quæ  
in Imaginū constituitur genere, & Permanens, siue Constans dicitur:  
& vel in plano pingitur, vel in solida aliqua materia effingitur; quæ  
ad Dæmones pellendos valere, quamvis exemplis probari nō pos-  
sit; ratione tamen non minus certum est, quam illa Dæmones pel-  
li, quæ manu formatur.

Cum enim

## PARS TERTIA.

231

31.

1

Cum enim Crucem detestentur Dæmones; quidni hanc Con-  
stantem detestarentur, quæ & Crucis nomen habet, & non minores,  
quam Transiens illa, & in ære formata, vires habet?

Quid, quod hæc plus contra Dæmones seruire posse videatur?  
Etenim cum ad Crucis conspectum Dæmones fugam capiant; illa  
Crux hinc melius seruit, quæ perseverat; quamquam quæ mox, post-  
quam manu facta est, evanescit: propterea, quod hac pulsū, mox  
possint redire, illa ita pelli videatur, ut redditus omnino sit prohibi-  
tus.

Hoc attendisse videntur Maiores nostri; cum olim profanis  
Idolorum delubris, quæ Dæmonum erant domicilia, destructis,  
mox Crucis vexillum exererunt. Hoc, qui Maiores hodie in Indiis  
emulantur. Neque enim Cruce Christi erecta, tantum voluerunt  
reuocari ad memoriam Christi, quos pertulit cruciatus & passio-  
nem; aut significare loca illa, quibus Crucis erecta, Christo seruire;  
verum etiam hoc signo ad ipsa, Dæmonibus omnem accedendi  
aditum prohibere.

Fortè etiam hinc profecta Catholicorum consuetudo, ut in  
ædibus, Crucis Christi, atque Crucifixi habeant Imagines. Cum e-  
nim ædes à Dæmonum infestatione cuperent esse liberas: Crucis  
autem atq; Crucifixi Imagines scirent ipsis esse exosas; hoc ipso  
existimauerunt Dæmonibus ædes suas interdictas, quo Crucis, Cru-  
cifixi q; essent instructæ & ornatae Imaginibus.

Optandum esset, ut quæ Maiorum nostrorum in hacre fuit  
pietas; eadem nostris vigeret temporibus. Nunc proscriptis ex  
domib; Christi, Sanctorumque Imaginibus & insignibus; cum  
Veneris atque Priapi; aliisque scœdis & profanis splendeant om-  
nia, nonne Dæmonibus aditum ad ædes atque domicilia nostra  
patefacimus?

Patefacere ostendit exemplum pueræ; quæ cum in balneis Ve- 36.  
neris imaginem suisset impudentius intuita, & ad eandem se com-  
posuisset; mox a Dæmons obessa est. ut habet grauissimus Author  
Prosper Aquitanicus, lib. 6. de Promissionibus.

Quemadmodum non decet in familia audire sermonem laf-  
ciū: ita nec tabulas haberi conuenit impudicas. Loquax res est pi-  
tura tacita, & sensim irrepit in animos hominū. Lingua loquitur  
auribus,

auribus, pictura oculis; multoque loquacior est pictura, quam oratio, &c.

*Segnius irritant animos demissa per aures,  
Quam quae sunt oculis subiecta fidelibus; & que  
Ipse sibi tradit Spectator.*

Aristoteles adeo putat picturas, statuasque lasciuas ad mortum corruptelam facere, ut velit per Magistratum publicis legibus caueri, ne quid Imaginum sit in ciuitate, quod admoneat turpitudinis.

38. Quocirca bene Canon 100. sextæ in Trullo. Oculi tui recta afficiant, & omni custodia serua cor tuum, iubet Sapientia. Corporis enim sensus suus facile in animum effundunt. Picturas ergo, quae oculos perstringunt, & mentem corrumpunt, & ad turpium voluptatum mouent incendia, nullo modo deinceps imprimi iubemus. Si quis autem hoc facere agressus fuerit, deponatur. Bene quoq; Clemens Alexandrinus, postquam Paganos reprehendit, quod in cubili decumbentes Venerem nudam respiciant in tabellis depictis: habeant quoque Panicos & nudas puellas, & ebrios Satyros, &c. tandem concludit. Horum non solum vsus, sed etiam aspectus & auditus deponendam esse memoriam, rebus annunciamus.

39. Intellexerunt hæc Græci: de quibus scribit VVilhelmus Durantis, Mimarensis Episcopus, lib. 1. cap. 3. Rationalis diuinorum Officiorum, quod Imagines solum ab vmbelico supra, & non inferius pingant; vt omnis stultæ cogitationis occasio esset sublata.

40. Sed quomodo Crux Dæmones fugat? Respondemus breuiter. Aliter fugat illa Transiens, aliter Permanens. Illa, vt obiectum, atque efficiens, hæc, vt obiectum tantum. breuiter hoc, sed obscurè. Explicandum igitur.

41. Constanti atque Permanenti Crucis non aliqua vis inest; vt in præsentes Dæmones agat; quemadmodum sius inest calor igni, quo calefacit circumstantem ærem. Hoc ipso fugare dicitur, quod illam ferre Dæmones nequeant, illam detestentur, odio prosequantur.

42. Idem odium efficit, vt fugiant Transcuntem. Nam & ipsa Crux est. Veruntamen hoc maior illis vis infertur: quod ad odium, quo per se Crucem fugiunt Spiritus, accedat imperium, in virtute, & cum virtute Crucis, discessum imperantium, atq; ipsos cædere cogentium: vt hic cum Cruce etiam homines agant in Dæmones; ibi ipsa per se in eosdem agat Crux.

CAP.